

寶物等事，可被仰前內府歟云々，事體頗似有嘲哂之氣，又貞能請文云，能程可計沙汰云々，當時有備前國小島船百餘艘云々，或說云，鎮西諸國補宰吏云々，大略天下之體如三國史歟，西平氏、東賴朝、中國已無劍璽，政道偏暴虎與羸弱也，甚似無其憑歟，征伐遲引，院中諸人懸心於闕國及莊園等，若又貪著此欲，上下逢境，歡喜無他，不知天下之亡弊，不顧國家之傾危，如嬰兒如禽獸，可悲可悲。十九日辛亥，早且問昨日定子細於兼光朝臣許，國行奉書注送旨如此。

參入公卿八人

左大臣、實房、忠親、成範、雅賴、長方、通親、親宗、

神鏡事

左大臣、皇后宮大夫、前源中納言、

如諸道勘申，可被存如在之儀，然者立濱床設御座，可儼恆例臨時之神事，忽不可及，御幸儀歟，兼又可被祈申諸社并山陵、

堀河大納言、八條中納言、源宰相中將、

神鏡忽不令紛失，暫御羈中被行如在儀，還似有其恐，女官等候內侍所，可致祈請歟，凡可被申伊勢已下諸社歟，且行德政，且致祈請者，定令還座歟，但任勘文趣，可存如在之禮者，任天德之例，召年料辛櫃，可被奉安置內侍所歟，神鏡縱不御，何可弃內侍司哉、

民部卿、親宗朝臣、

事出不慮之外，更無可准之例，但如諸道勘文申致，如在之禮，專可令祈請歟，御辛櫃以下，任何例可奉歟，諸先於明後日者，召大藏省辛櫃，以驛鈴可付之歟、

劍璽事

已上諸卿一同申云，於踐祚者，忝可被遂行，一日曠之，庶務違亂云々，其後被祈請者，何不令還座哉、